



蘭室秘藏卷中

東垣老人 李果 撰

明 新安 吳勉學 校

頭痛門

頭痛論

金匱真言論云東風生於春病在肝俞在頸項故春氣者病在頭又諸陽會於頭面如足太陽膀胱之脉起於目內眥上額交巔上入絡腦還出別下頂病衝頭痛又足少陽膽之脉起於目銳眥上抵頭角病則頭角額痛夫風從上受之風寒傷上邪從外入客於經絡令人振寒頭痛身重惡寒治在風池風府調其陰陽不足則補有餘則瀉汗之則愈此傷寒頭痛也

頭痛耳鳴九竅不利者腸胃之所生乃氣虛頭痛也心頭頭痛者病在耳中過在手巨陽少陰乃濕熱頭痛也如氣上不下頭痛癰疾者下虛上實也過在足少陰巨陽甚則入腎寒濕頭痛也如頭半邊痛者先取手少陽陽明後取足少陽陽明此偏頭痛也有真頭痛者甚則腦盡痛手足寒至節死不治有厥逆頭痛者所犯大寒內至骨髓髓者以腦為主腦逆故令頭痛齒亦痛凡頭痛皆以風藥治之者總其大體而言之也高顛之上惟風可到故味之薄者陰中之陽乃白地升天者也然亦有三陰三陽之異故太陽頭痛惡風脉浮緊川芎羌活獨活麻黃之類爲主少陽經頭痛脉弦細往來寒熱柴胡爲主陽明頭痛自汗發熱惡寒脉浮緩長實者升麻葛根石膏白芷爲主太陰頭痛必有痰體重或腹痛爲痰癖其脉沉緩者

尤半夏南星爲主少陰經頭痛三陰三陽經不流行而足寒氣逆爲寒厥其脉沉細麻黃附子細辛爲主厥陰頭頂痛或吐痰沫厥冷其脉浮緩吳茱萸湯主之血虛頭痛當歸川芎爲主氣虛頭痛人參黃芪爲主氣血俱虛頭痛調中益氣湯少加川芎蔓荊子細辛其效如神白朮半夏天麻湯治痰厥頭痛藥也青空膏乃風濕熱頭痛藥也羌活附子湯治厥陰頭痛藥也如濕氣在頭者以苦吐之不可執方而治先師嘗病頭痛發時兩頰青黃暈眩目不欲開懶言身體沉重兀兀欲吐潔古曰此厥陰太陰合病名曰風痰以局方玉壺丸治之更灸俠谿穴卽愈是知方者體也治者用也徒執體而不知用者弊體用不失可謂上工矣

青空膏

治偏正頭痛年深不愈者善療風濕熱頭上壅損目及腦痛不止

川芎

五錢

柴胡

七錢

黃連

炒

防風

去芦

羌活

以上各壹兩

炙甘草

壹兩五錢

細挺子黃芩

三兩去皮剉一半酒製一半炒

右爲細末每服二錢七於盞內入茶少許湯調如膏抹在口內少用白

湯送下臨臥

如苦頭痛每服加細辛

貳分

如太陰脈緩有痰名曰痰厥頭痛減羌活防風川芎甘草加半夏

壹兩五錢

如偏正頭痛服之不愈減羌防風川芎一半加柴胡

一倍

如發熱惡熱而渴此陽明頭痛只與白虎湯加好吳白芷

散膏

蔓荊子

細辛

已上各壹分

薄荷葉

川芎

已上各壹分

生甘草

熟甘草

已上伍分

藁本

壹錢

右爲細末每服二錢食後茶清調下

川芎散

治頭目不清利

川芎

三錢

柴胡

柒分

羌活

防風

藁本

土甘草

升麻

已上各壹錢

熟甘草

酒生地黄

貳錢

酒黃連

炒

酒黃芩

已上各肆錢伍分

右爲細末每服一錢或二三錢食後茶清調下忌酒濕麵

白芷散

一名鬱金散

治頭痛

鬱金 一錢

香白芷

石膏

已上各貳錢

薄荷葉

芒硝

已上各參錢

右爲極細末口含水鼻內啗之

碧雲散

治頭痛

細辛

鬱金

芒硝

已上各壹錢

蔓荊子

川芎

已上各壹錢貳分

石膏

一錢參分

青黛

一錢伍分

薄荷葉

貳錢

紅豆

壹箇

右爲極細末口啗水鼻內啗之

羌活清空膏

蔓荊子

一錢

黃連

參錢

羌活

防風

甘草

已上各肆錢

黃芩

壹兩

右爲細末每服一錢茶清調下食後臨臥

清上瀉火湯

昔有人年少時氣弱常於氣海三里灸之節次約五七十壯至年老添熱厥頭痛雖冬天大寒猶喜寒風其頭痛則愈微來暖處或見烟火其痛復作五七年不愈皆灸之過也

荊芥穗

川芎

已上各貳分

蔓荊子

當歸身

蒼朮

已上各叁分

酒黃連

生地黃

蘘本

甘草

已上各伍分

升麻

防風

已上各柒分

酒黃蘗

炙甘草

黃芪

已上各壹錢

酒黃芩

酒知母

已上各錢伍分

羌活

叁錢

柴胡

伍錢

細辛

少許

紅花

少許

右剉如麻豆大分作二服每服水二盞煎至一盞去粗稍熱服食後

補氣湯

服前藥之後服此藥

柴胡 貳分

升麻 叁分

黃芪 捌分

當歸身 貳錢

炙甘草 肆錢

紅花 少許

右以咀作二服水二盞煎至一盞去粗稍熱服食後

細辛散

治偏正頭痛

細辛 瓦粉 已上各貳分

生黃芩 芍藥 已上各伍分

酒黃連

川芎 已上各柒分

炒黃芩 酒黃芩 已上各壹錢

炙甘草 一錢五分

柴胡 貳錢

右爲麤末每服三錢水一大盞半煎至一盞取清食後服之

羌活湯

治風熱壅盛上攻頭目昏眩

炙甘草

柒分

澤瀉

叁錢

酒洗瓜蒌根

白茯苓

酒黃蘗

已上各伍錢

柴胡

柒錢

防風

細黃芩

酒洗

酒黃連

羌活

已上各壹兩

右爲麤末每服五錢重水二中盞煎至一盞取清食後臨臥通口熱服之

養神湯

治精神短不得睡頂筋腫急難伸禁甘溫宜苦味

木香

橘皮

柴胡

已上各壹分

酒黃芩

貳分

人參

黃蘗

白朮

川芎

已上各叁分

升麻

肆分

蒼朮

麥蘗麴

當歸身

黃連

已上各伍分

甘草 半夏已上各一分 黃芪壹錢

右咬咀每服五錢水二大盞煎至一盞去粗稍熱服不拘時候

安神湯

治頭痛頭旋眼黑

生甘草 炙甘草已上各貳錢

防風貳錢伍分

柴胡 升麻 酒生地黃

酒知母已上各伍錢

酒黃蘗

羌活已上各壹兩

黃芪貳兩

右爲麤末每服五錢水二大盞半煎至一盞半加蔓荊子五分川芎三

分再煎至一盞去相臨臥熱服

半夏白朮天麻湯

范天賦之內有脾胃證時顯煩操胸中不利大便不通而又爲寒氣拂

鬱悶亂大作火不伸故也疑其有熱服疏風丸大便行其病不減恐其藥少再服七八十九大便復見兩行元證不瘳增以吐逆食不能停痰唾稠粘湧出不止眼黑頭旋惡心煩悶氣短促上喘無力以言心神顛倒目不敢閉如在風雲中頭苦痛如裂重如山四肢厥冷不得安臥余料前證是胃氣已損復下兩次則重虛其胃而痰厥頭痛作矣與此藥而治之

黃蘗

貳分酒洗

乾薑

叁分

澤瀉

白茯苓

天麻

黃芪

人參

蒼朮

已上各伍分

炒神麴

白朮

已上各壹錢

麥蘗麴

半夏

湯洗

橘皮

已上各壹錢伍分

右咬咀每服五錢水二大盞煎至一盞去粗熱服食前一服而愈此頭

痛苦甚謂之足太陰痰厥頭痛非半夏不能療眼黑頭旋風虛內作非天麻不能除黃芪甘溫瀉火補元氣實表虛止自汗人參甘溫瀉火補中益氣二尤俱苦甘溫除濕補中益氣澤瀉茯苓利小便導濕橘皮苦溫益氣調中升陽神麴消食蕩胃中滯氣大麥麵寬中助胃氣乾薑辛熱以滌中寒黃蘗大苦寒酒洗以療冬天少火在泉發躁也

口齒咽喉問

口齒論

論曰夫齒者腎之標口者脾之竅諸經多有貫於口者其牙齒是手足陽明之所過上齦隸於坤土乃足陽明胃之脈貫絡也止而不動下齦屬物動而不休手陽明大腸之脈所貫絡也手陽明惡寒飲而喜熱足陽明喜

寒飲而惡熱其病不一牙者腎之標亦喜寒寒者堅牢爲病不同熱甚則齒動齦斷袒脫作痛不已故所治療不同也有惡熱而作痛者有惡寒而作痛者有惡寒惡熱而作痛者有惡寒而少熱飲多而作痛者有牙齒動搖而作痛者有齒齦腫起爲痛者有脾胃少寒飲多而作痛者有牙齒動搖而作痛者有齒齦腫起爲痛者有脾胃中有風邪但覺風而作痛者又有牙上多爲虫所蝕其齒缺少而色變爲虫牙痛者有胃中氣少不能於寒袒露其齒作痛者有牙齒疼痛而穢臭之氣不可近者痛旣不一豈可一藥而盡之哉

羌活湯

治客寒犯腦風寒濕腦痛項筋急牙齒動搖肉齦袒脫疼痛

藁本

香白芷

桂枝

已上各三分

蒼朮

升麻

已上各五分

當歸身

六分

草豆蔻仁 二錢

羌活 一錢五分

羊脛骨灰 二錢

麻黃 去根節

防風

已上各三錢

柴胡

五錢

細辛

少許

右爲細末先用溫水嗽口淨擦之其痛立止也

草豆蔻散

治寒多熱少牙齒疼痛

細辛葉

防風

已上各二分

羊脛骨灰

熟地黃

已上各五分

當歸

六分

草豆蔻仁

黃連

已上各一錢三分

升麻

二錢五分

右爲細末同前牙痛處擦之

麻黃散

治冬寒時分寒濕腦痛項筋急牙齒動搖疼痛

防風

藁本

已上各三分

羊脰骨灰

當歸身

熟地黃

已上各六分

草豆蔻仁

升麻

黃連

已上各一錢

羌活

一錢五分

麻黃

不去根

草龍膽

酒洗

生地黃

已上各二錢

細辛

少許

右爲細末依前藥法擦之

熱牙散

一名麝香散

治大熱牙齒瘡露根肉齦脫血出齒動欲落疼痛妨食忤涼少忤熱多

熟地黃

二分

益智仁

二分半

當歸身

生地黃

麻黃根

酒漢防己

人參

已上各三分

升麻

一錢

草豆蔻

黃連

已上各錢五分

羊脰骨灰

二錢

麝香

少許

右爲細末如前藥擦之

治蟲散

一名白芷散

治大寒犯腦牙齒疼痛及蟲痛胃經濕熱腫痛

桂枝

一分

熟地黃

二分

藁本

白芷

已上各三分

當歸身

益智仁

黃連

已上各四分

羌活

五分

吳茱萸

八分

草豆蔻

黃芪

升麻

已上各一錢

羊脛骨灰

一錢

麻黃

不去節二錢五分

右爲細末同前擦之

益智木律散

治寒熱牙痛

木律

二分

當歸

黃連

已上各四分

羊脛骨灰

益智皮

熟地

已上五分

草豆蔻皮

一錢二分

升麻

壹錢伍分